

«Գովեն գՔեզ»՝ Laudato Si, նամակին նվիրված շաբաթ



«ԱՐԱՐԱԾՆԵՐԻ ԵՐԳԸ»

Բարձրյա՛լ, ամենակարո՛ղ, բարի՛ Աստված,  
 Գոհուլթյուն, փա՛ռք ու պատի՛վ եւ օրհնուլթյո՛ւն քեզ,  
 Միայն քեզ են պատկանում:  
 Եւ չկա մի մարդ, որ արժանի լինի Քո անունը տալու:  
 Գոհուլթյո՛ւն քեզ, իմ Տե՛ր, Քո բոլոր արարածների հետ միասին,  
 Հատկապես իմ եղբայր արեւի,  
 Որ տալիս է լույսը օրվա,  
 Ում միջոցով տալիս ես պայծառուլթյունը:  
 Եվ գեղեցիկ է նա եւ շողշողուն, շքեղ,  
 Եվ տալիս է Քո մեծուլթյան նշանը:  
 Գոհուլթյո՛ւն քեզ, իմ Տեր՝ իմ քույրիկ լուսնի համար եւ աստղերի համար,  
 Երկնքում Դու ձեւավորեցիր դրանք՝ պարզ, սիրունիկ ու ազնիվ:  
 Գոհուլթյո՛ւն քեզ՝ իմ եղբայր քամու համար եւ օդի ու ամպերի համար եւ ամեն  
 տեսակ եղանակների համար,  
 Որոնցով սնում ես Քո բոլոր արարածներին:  
 Գոհուլթյո՛ւն քեզ, Տեր, իմ քույրիկ ջրի համար,  
 Որ այնքա՛ն օգտակար է եւ խոնարհ, հիասքանչ ու ջինջ:  
 Գոհուլթյո՛ւն քեզ, Տեր՝ եղբայր կրակի համար,  
 Որով լուսավորում ես խավարը,  
 Եվ մաքուր է այն, զվարթ եւ ուժեղ:  
 Գոհուլթյո՛ւն քեզ, Տեր՝ մեր քույրիկ, մեր մայր երկրի համար,  
 Որ ապրեցնում ու պահում է մեզ  
 Եվ աճեցնում է պտուղներ զանազան եւ խոտ եւ ծաղիկներ պայծառ:  
 Գոհուլթյո՛ւն քեզ, Տեր, նրանց համար, ովքեր ներում են՝ հանուն Քո սիրո,  
 Եվ կրում են տկարուլթյուն ու փորձուլթյուն:  
 Երանի՛ նրանց, ովքեր կհարատեւեն խաղաղուլթյան մեջ,  
 Որովհետեւ քեզնով նրանք կպսակվեն:  
 Գոհուլթյո՛ւն քեզ, Տեր՝ մեր քույրիկ մահվան համար, որին ենթակա է մարմինը եւ  
 որից ոչ մի կենդանի մարդ արարած չի կարող փախչել:  
 Վա՛յ նրանց, ովքեր մեռնում են ծանր մեղքի մեջ:  
 Երանի՛ նրանց, ովքեր մնում են հավատարիմ Քո ամենասուրբ կամքին:  
 Որովհետեւ երկրորդ մահը նրանց չի կարող վնասել:  
 Գոհուլթյո՛ւն քեզ, Տեր, օրհնուլթյո՛ւն քեզ, Տեր,  
 Շնորհակալ եղե՛ք Տիրոջը  
 Հնազանդվե՛ք Տիրոջը խոնարհուլթյամբ:

Սբ. Ֆրանցիսկոս Ասսիզեցի, 1182-1226  
 Թարգմ.՝ Տ. Հովսեփ Քհն. Գալստյան

## Դանիելի մարգարեություն, 4, 57-89

Օրհնեցէ՛ք Տիրոջ բոլոր գործերը, օրհնեցէ՛ք եւ պանծացրէ՛ք նրան յաւիտեան:  
Երկինքնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Տիրոջ հրեշտակնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Ջրե՛ր, որ վեր էք երկնքից, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Տիրոջ բոլո՛ր գորութիւններ, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Արե՛ւ եւ լուսի՛ն, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Երկնքի բոլո՛ր աստղեր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Անձրեւնե՛ր եւ ցօղե՛ր, բոլորդ օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Հողմե՛ր, բոլորդ օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Հո՛ւր եւ տա՛պ, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Ցո՛ւրտ եւ սառնամանի՛ք, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Եղեա՛մ եւ ձի՛ւն, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Ցերեկնե՛ր եւ գիշերնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Լո՛յս եւ խաւա՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Ամպե՛ր եւ կայծակնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Թող երկիրն օրհնի՛ Տիրոջը, օրհնի եւ պանծացնի նրան յաւիտեան:  
Լեռնե՛ր, բարձունքնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Երկրի բոլոր բոյսեր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Աղբիւրնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Ծովե՛ր ու գետե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Կէտե՛ր եւ ջրային բոլո՛ր կենդանիներ, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Երկնի թռչուննե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Բոլո՛ր գազաններ եւ անասուններ, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Մարդո՛ւ որդիներ, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Իսրայէլը թող օրհնի Տիրոջը, թող օրհնի եւ պանծացնի նրան յաւիտեան:  
Քահանանե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:  
Տիրոջ ծառանե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Արդարների շունչ ու հոգիներ՛ր, օրհնեցէ՛ք Աստծուն, օրհնեցէ՛ք եւ պանծացրէ՛ք նրան յաւիտեան:

Սրբե՛ր եւ սրտով խոնարհնե՛ր, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան:

Անանիա՛, Ազարիա՛ եւ Միսայէ՛լ, օրհնեցէ՛ք Տիրոջը, օրհնեցէ՛ք եւ պանծացրէ՛ք նրան յաւիտեան,  
քանզի նա մեզ փրկեց դժոխքից, ազատեց մահուան ձեռքից, փրկեց մեզ այս հնոցից,  
այս բորբոքուած բոցի միջից, փրկեց մեզ այս կրակի միջից:  
Գոհութիւն մատուցենք Տիրոջը, քանզի քաղցր է նա, քանզի յաւիտեան է ողորմութիւնը նրա:

## Գովես գբեզ շաբաթվան նվիրված աղոթք, 2020

«Սիրասուն Աստուած՝

Արարիչ երկնքի եւ երկրի, եւ այն ամէնի՝ ինչ կայ դրանց մէջ,  
Դու ստեղծեցիր մեզ Քո պատկերով եւ տնտեսներ կարգեցիր Քո արարչագործութեան:

Դու օրհնեցիր մեզ՝ շնորհելով արեւը, ջուրն ու այս բերրի հողը, որպէսզի  
անուցանես բոլորիս:

Լուսաւորի՛ր մեր միտքն ու դիպչի՛ր մեր սրտերին, որպէսզի կարողանանք հոգ  
տանել այն աշխարհի մասին, որ պարգեւել ես մեզ:

Օգնի՛ր գիտակցել, որ երկիրը՝ մեր բոլորի տունը, պատկանում է ոչ միայն  
մեզ, այլեւ՝ Քո բոլոր արարածներին եւ ապագայ սերունդներին, ուստի, մեր պարտքն  
է պահպանել այն:

Օգնի՛ր սատար լինել ամէն մէկին, ով կարիքն ունի անուղի եւ կենսական  
միջոցներին:

Օգնի՛ր փորձութեան այս ժամին նեցուկ լինել կարիքի մէջ գտնուողներին՝  
յատկապէս կարօտեալներին եւ բոլոր նրանց, ում սպառնում է լքուած լինելու  
վտանգը:

Թող որ մեր վախերն ու մենութեան տագնապը դառնան յոյսի եւ  
եղբայրասիրութեան զգացումներ, որպէսզի բոլորս ապրենք հոգու ճշմարիտ դարձը:

Օգնի՛ր լինել ստեղծարար եւ միաբան, որպէսզի կարողանանք դիմակայել ու  
մեղմել համաշխարհային այս համաճարակի հետեւանքները,

Օգնի՛ր լինել խիզախ եւ ընդունել անհրաժեշտ փոփոխութիւնները՝ ի  
բարօրութիւն համայն մարդկութեան,

Այսօր, առաւել քան երբեւէ, պէտք է հասկանանք, որ բոլորս փոխկապակցուած  
ենք եւ կարիքն ունենք միմեանց,

Օգնի՛ր, որ կարողանանք լսել եւ պատասխանել Երկիր մոլորակի եւ աղքատների  
աղաղակին:

Թող որ տառապանքի այս երկունքից ծնունդ առնի մի նոր՝ աւելի  
եղբայրական եւ կենսունակ աշխարհ:

Աստուածամօր սիրով լի հայեացքի ներքոյ մեր աղօթքն ենք բարձրացնում առ  
Քրիստոս:

Ամէն:

Աղոթքի թարգմանությունը՝ Վատիկան Նյուզ, հայկական բաժին